

QVÆSTIO MEDICA

QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XV. DECEMBRIS.

M. PETRO LOMBARD, Doctore Medico, Præsidente.

Sunt-ne in Dyfenterico Affectu Hypnotica Cathartica admiscenda?

NATVRÆ præcipua circa nutritionem cura est, & quas utilissimo huic operi præfecit partes adeo diligit, ut vel leuiores affici citra summum dolorem non ferat, & gravem totius naturalis æconomice perturbationem. Nam os ventriculi superius succi ferocioris acrimonia si mordet in Cardiotomo, statim corporis universi vires, alias integræ, concidunt, & ipse animus deficit. In cholera, ad ventriculum & intestina, non ex affectis visceribus expressæ modò, sed iis ipsis in partibus etiamnum ge-
 succi putredinis impetus illico vel citra febrem interimit. Lumbrici quos dulcioris alimonie vivax excitavit corruptio, non raro sæva & terrificæ pariunt synopes, convulsiones, delirijque symptomata, qualia graviore morbi & ipsis principibus mem-
 bris insensu non invehunt. Quin & plenioris sicut & extremi intestini affectus ipsi solâ doloris immanitate in magnos evadunt resolutionis membrorum & abscessuum morbos, dum ex spirituum dissipatione & corruptione quas acerbis & tristic sen-
 sus inferre consuevit, simul partibus imbecillitas & humoribus vitium inferitur, & calamitosa illa oritur, inque omnem ferè viventis partis perniciem nata proclivitas ad excipiendum quidquid abs se validiores amandaverint. Sed inter cæteras nutritio-
 rum viscerum noxas, Dyfenteria quæ nonnunquam suo pte genio salutaris est, & solâ symptomatum atrocitate metuenda, Medicos monet, quàm solliciti esse debeant de sublevandâ hacce maximâ oneris parte naturâ, quam & aliquando parum læ-
 dunt sua mala, si ea ignoraverit.

DYSENTERIA ab affectâ parte & symptomate nomen obtinuit. In eo quippe morbo vasa coquendis, distribuendis, & expurgandis alimentis destinata vitiantur: tùm verò & domesticæ illius operis moderatrix illatam sibi injuriam aut solâ excretio-
 ne, aut etiam dolore significat. Si enim non illaudatus sanguis ob amputatam corporis portionem, aut intermissum aliquid exercitum, suppreffamve solitam evacuationem hepate benè constituto, restagnans per circuitus liberaliter ad intestina
 devolvitur, & ex pusillâ seu diuina thesauro procreat Dyfenteriam, doloris quidem omnis, non verò semper utilitatis expertem. Est etiam ubi absque sensu, sed non sine periculo sanguis dilutus excernitur loturæ carniū recens maceratarum similis, & atroci-
 jecoris & illius & arguens. Sed utraque hæc Dyfenteria solâ effluentium humorum ratione nomen adepta, non germanam & integram exhibet affectus naturam, quam & longè aptius Romanorum vocabulum exprimit. Tormina enim vocant
 frequentem & dolorificam cruentorum & paucorum humorum dejectionem, cujus assiduitate intestina abraduntur, exulcerantur, & carunculas tandem mittunt. Causam si quæras, eam vel ex prægressi morbi vestigiis invenies, vel ad humoris biliosi &
 acris ferociam malignitatemve referes. His originem præbent prava vivendi ratio, ciborum acriorum aut facili putrescentium usus, fructus immaturi aut præter modum assumpti, vinum meracum vel largius haustum, deleteria medicamenta, pesti-
 lens & contagiosa aëris constitutio. Nam talibus de causis sobolescit mordax & effrænis humor, qui in intestina delatus, morû primùm ex cruciat, hinc utilem & partibus inductam uliginem absumit, tùm propriam abradit intestini substantiam, quam
 altius infixus tandem exulcerat.

MAGNVS sanè morbus & ob publicæ functionis læsionem & ob symptomatum sævitiam. Ille ad nocendum paratis comites adsciscit febrem, vigiliis, sitim, anorexiam, in primis verò assiduis doloribus ægotantem conficit. indefinens fermè adeft
 desidendi cupiditas. quod egerit paucum est, tenue, mucosum, graveolens, cruore, ramentis, sanie nonnunquam & carunculis immixtum. Interim humor ille, seu biliosus fuerit seu succus ater ex inflammata facie sanguinis expressus, agit cuni-
 de, tenuibusque intestinis si inhæsit, dolor perferentur acutissimus & pundtorius, sanguis & ramenta per longioris viæ tractum facibus exquisitè permixta profluunt, aliquo post mitigata tormina tempore. Crassis multò placatiorem se præbet
 dolore non ita vehementi minùque diuturno, cruor purulentusque materies ob itineris brevitatē alvi excrementis supernatant, aut non omnino permixta apparent, atque conjunctiora ipsi dejectioni tormina sunt. Periculosior morbus censetur
 quem fecit aëris corruptela, vel summa atque maligna Cacoehymia, & partis cuiusdam principis Dyscrasia fovet. Certum discrimen minantur vigiliæ immodicæ, cibi fastidium, sitis intensa, singultus, vomitus biliosi jecoris ac præcordiorum dolor,
 dejectiones synceræ, nigricantes & carunculis permixtæ. Spem præbent virium appetitque constantia, sitis minor, apyrexia, symptomatum immutatio, dejectiones suo sero dilutæ, nullique aut paucioribus intertrimentis permixtæ, miscellæ
 nonnihil tormina, alvus aliquantulum coercita.

ARTE S quæris quibus ægotantem periculo eximas, nocendi materiam morbo substrahe. Sed cave ne dolorem, vigiliis, spirituum unâ cum tetris humoribus effluviū, quibus præsertim hostis iste grassatur, adaugeas, præsertim verò audacis The-
 misonis consilium omneque adeo idcirco perhorrescens placidè simul & viriliter dimicito. Propterea exquisitam insitue victus legem, quæ tenuissima sit & refrigerans. In hordeatis & iusculis plurimus esto. Vino ut veneno interdicto. Sacra
 affectus istius anchora sicut & cæterarum inflammationum, seu foris seu intus sæviant, tutissimaque tibi tibi venæ sectio. Febrem exstinguit illa, phlegmonem sedat, ruentis humoris impetum sistit ac revellit, ejusdem delinit acrimoniam, dolores
 que demulcet. Repetenda plenius crebrius pro jugi phlegmone & rheumate, symptomatum perviciâ, morbi magnitudine, viribus ægotantis. Clysteres anodynî & refrigerantes sæpius injiciendi. Vomitus conferret si exortus spontè, vel ex
 perit mitioribus quibusdam promoveretur, modò æger & levius foret latiorique pedore. Verum ejusmodi evacuatio quæ nimio plus exagitat fugienda, quam præterea dehortatur summa virium in Dyfentericis profligatio. Tepentis aque balneo dolor
 lenitur quidem, & sanguinis miscet æstus: sed concitata ad partem affectam, novâ fluxione utrunque sopiti affectus rursum excitantur. Adstringentia initis & æstus adhibita effrænis profluvij cursum sistere creduntur, quem recursus putren-
 teris Cacoehymia confestim malignior excipit. Nec minùs nocent urinas moventia, nam quò natura vergit, si per vias commodas suam excretionem molitur, eò ducere oportet. Tempore porrò convenienti idoneâ medicamentorum miscellâ atten-
 perandus simul est atque vacuandus humor. Id apprimè præstabant Hypnotica purgantibus admixta, quæ furenti bili injiciunt frænos, læscque ac fomitem putredinis sensum exhaurient.

HYPNOTICA etiam si γλυκερόν καὶ ὑπόκριτον somnum inducerent, non tam morbum quàm illius sensum adimunt. Cathartica verò morbum palam & validè adoriuntur, & causas illius evertunt, sed Cadmeæ plerumque & non lætabili victoriâ, dum
 febriles faces agitatione magis ac magis accendunt, dolorem & vigilias adauctis irritatæ jam satis nature stimulis ingeminant, & malè concitatos humores in præceps impellunt. Omnino neutrum seorsim satis tutum aut validum præsidij genus. Vtrum-
 que optimum & salutare, si permixtæ vires laudabili temperie coalescant, & in integrum morbi ipsius simul ac symptomatum excidium amicè conjungunt. Scilicet Hypnotica cruciantis humoris si placare feriatem penitus non valent, noxiam tamen
 in sensoris alterationem percipi non patientur, concessio soporis vel stuporis gratissimo & plurimum expetendo munere, interim dùm Cathartica humores castigatione licet exacerbatos, sed incassum in sopitam facultatem se viantes ejicient è
 corpore. Atque id ne severiore fiat quàm par est oburgatione, atque adeo effrænata vi ejus præsidij quod corpus non minùs quàm purgandos humores calefacere, attenuare, ac solvere natum est, tardam placiditatis suæ Hypnotica levitatem inspi-
 rabunt, ac vicissim infensam calori nativo ipsius Hypnotici pigritiem nocere non sinent permixta Catharticorum vires.

Sunt igitur in Dyfenterico Affectu Hypnotica Cathartica admiscenda.

DOMINI DOCTORES DISPVATVRI.

M. Carolus Patin.
 M. Philippus Chartier, Medicus & Professor Regius.
 M. Franciscus de la Chambre, Medicus Regis ordinarius.

M. Alanus Lamy.
 M. Claudius Quarier.
 M. Franciscus Landrieu, Chirurgie Professor.

M. Florimundus Langlois.
 M. Claudius le Vasseur.
 M. Dionysius Ioncquet, Horti Regij Professor Botanicus.

Proponebat Lutetiæ DOMINICVS DE FARCY, Parisinus, A. R. S. H. M. DC. LXVII.